



Broj: T18 0 KT 0019057 25
Brčko, 11.5.2026. godine

Optužnica potvrđena dana 14.05.2026. godine

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

I. J., ... rođen 1975. godine u Brčkom,

Što je:

Dana 3.12.2025. godine, oko 12.50 časova, u ambulanti porodične medicine „Kasarna“ pri JZU „Zdravstveni centar Brčko“, koja se nalazi na Trgu pravde, Brčko distrikt BiH, nezadovoljan radom medicinskog osoblja, iste je najprije nazivao pogrđnim imenima, psujući im majku i govoreći da će ih sve podaviti, a potom kada mu je prišao dr A. Č., zatraživši da poštuje red i mir u ambulanti i da prestane s vrijeđanjem zaposlenika, tada je svjestan da ga udarcima u predjelu tijela i glave može tjelesno povrijediti, a što je i htio, desnom šakom udario istog u njegovo lijevo rame, a potom ga u dva navrata odgurnuo svojim rukama, kojom prilikom se A. uhvatio za klupe, kako bi izbjegao pad, nanijevši mu tako laku tjelesnu povredu u vidu diskretnog krvnog podliva kože deltoidnog predjela lijevog ramena, nakon čega se, saznajući da je o svemu obaviještena Policija Brčko distrikta BiH, i dalje galameći i lupajući po vratima, udaljio iz ambulante,

dakle, drugog lako tjelesno povrijedio,

čime je učinio krivično djelo - Laka tjelesna povreda - iz člana 170 stav (1) Krivičnog zakona Brčko distrikta BiH.

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
